

T 4686

7928

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
OCT 3 1989

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17					
Lab D502	95/0/2	81/0/0	66/0/0	51/0/1	35/0/0	20/0/0	29/19/54	55/39/33	42/51/29	82/4/79	51/50/13	50/-28/-29	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68

天元玉曆祥異賦序

仁宗皇帝御製序曰。在天爲五行。在人爲五事。五事修則休徵應。失則咎徵應。天人感應之機神矣。惟天心仁愛人君。常示變以警之。惟明君必敬天於所警。皆有惕勵修省之誠。未嘗忽也。此編明於天人之際。審矣。朕嗣承天序。祇若天道。動靜云爲。恒慎諸此。股肱人臣。與國同體。欣戚相均。今各以賜之。非惟使達吉凶之機。亦庶幾燮理之助云。

洪熙元年正月十五日

皇明世法錄卷之十七

哈佛大學漢和  
圖書館珍藏印

史官 陳仁錫 謹閱

敬天 占驗

地土忽陷占

宋志曰地土忽陷臣下專政萬民離散亦為失地  
京房曰地無故自下陷天下兵作

范曄漢書曰地陷者王室亂大臣專政

天色忽變占

宋志曰天色忽變是謂異常四夷來侵  
洪範曰清明者天之體也天忽變色是謂異常

天裂占

宋志曰天裂是謂陽不足臣亂而君失道土地將分裂。

班固漢書曰天裂陽不足皆為臣下強盛將害上之變。

地震占

宋志曰地忽震動是謂臣強陽伏而不能出陰迫而不能入陰有餘也若外戚擅權后妃專政則土為之變異小人用下有謀及民擾則地震動其分兵亂又占其時春則歲不昌夏乃君憂五穀傷秋則

兵起冬乃邑有土功。

春秋傳伯陽甫曰天地之氣不過其序人之亂也陽伏而不能出陰迫而不能入是謂地震。

地陷占

范曄漢書曰地陷者王室亂陷壞塔者大臣專政。

地震洪水占

晉書曰地震洪水出陰道盛陽道衰。

地鳴有聲占

宋志曰地鳴有聲天子失國政出妊婦。

天裂見人占

皇明世法錄 卷十七  
晉書曰天裂見人兵起國之兆

天鳴有聲占

宋志曰天鳴有聲人主有憂驚百姓勞失厥土

晉書曰天鳴有聲陰氣盛陽氣道微人主憂

天雨草占

宋志曰天雨草恠祿信衰所致是謂火失其性天雨赤草其民流

荀悅漢書曰天雨草臣專政草如渡莎相膠結如彈丸

天雨石占

宋志曰天雨石爲信不施而詐佞作其下君長凶石

墜地近尺餘顛雞卵兩頭銳者名天鼓大戰殷紂之末天雨石如甕而爲武王所伐

范曄漢書曰天雨石從高反下民困之象

地生毛占

宋志曰地忽生毛爲金失性人將勞

地鏡曰地若生毛天下亂兵起

晉書曰金失其性則地生毛人將勞軍不寧

地成泉占

宋志曰地無故自成泉天下亂兵起大水

天陰晦占

宋志曰天忽晝夜陰晦晝不見日夜不見星月有陰謀一曰爲內亂下將謀上若兩敵相當陰相圖議也

唐書曰天晝夜陰晦則下有陰謀

地圻裂占

宋志曰秋行冬令則地裂其應士庶分離大臣專恣下叛上賢者退不賢者進裂而有聲四方不寧大兵起國失厥土

晉書曰地圻裂者臣下分離不相從也李固曰以爲

陰顛專恣將有分離之象

山鳴占

宋志曰山鳴乃有大亂

地鏡曰山鳴晝夜有聲如哭天下兵喪

范曄漢書曰大山常鳴大如牛响聲者天下四分五裂之象

天鼓占

宋志曰無雲而雷名曰天鼓有暴兵作

京房曰天晝無雲而雷是謂天鼓所當之國必有甲兵主國空虛

地燃占

京房曰火出地其國君咎。

天火占

宋志曰天火曰災。是火不炎上其信道不篤而尚虛偽。脩宮室無度則厥災見而焚燒宗廟。

晉書曰君高其臺天火爲災。

天將雨占

隋書曰天氣下降地氣未昇厚則日紫薄則日赤將早候也。若於夜則月白將雨候也。

天雨續占

宋志曰天雨續大饑民亡續如麻紵脆似地毛。

天雨錢占

後魏曰天雨錢其下亂。

天雨土霾占

宋志曰天雨土乃爲霾曰土失其性而民勞或不肖者祿。

天雨黃沙占

隋書曰天雨黃沙其下逆兵起。

地生光怪占

宋志曰地忽生光如火照國憂危亡。又小人進賢人

滅也。

地踊土成山占

唐書曰俞文俊上書曰天氣不和寒暑隔人氣不和  
疣贅生地氣不和堆阜出今女主居陽位反易剛  
柔故地氣隔塞山變爲災。

天雨木冰占

宋志曰雨木雨冰大臣凶陰氣附木故木冰。

洪範傳曰冰一名介者兵之象。

班固漢書曰天雨木冰后妃崩臣爲亂。

天雨雹占

宋志曰天雨雹則陰脅陽凡陽盛則爲雨若陰迫之  
則轉而爲雹爲政有所脅也。

班固漢書曰雹者陰脅陽也爲有所脅行專一之政  
山徙占

宋志曰山或移徙是謂皇之不極祿去公室賞罰出  
於私門天下兵社稷亡。

尚書金縢曰山徙者君不用道祿去公室賞罰不繇  
君私門成臯名爲皇之不極。

山崩占

宋志曰山忽崩毀者是謂陰盛陽弱崩者離散之象



賢人去而佞臣進

晉書曰。小人剝廬厥妖。山崩。茲謂陰盛陽弱。勝強。山崩水湧占。

晉書曰。山陽君也。水陰。百姓也。天戒若曰。君道崩壞。百姓失其所。故山崩。或移徙。故水湧。

天雨羽占

宋志曰。天雨羽。則君德不道。逆天下。

京房曰。前樂後憂。厥妖。雨羽。又曰。其下人相食。

天雨毛占

宋志曰。天雨毛。則金失其性。邪佞進而賢人退。貴人

出走。

隋書曰。天雨毛。衆役繁興。兵徭不息。

天雨鐵金占

宋志曰。天雨金鐵。是謂刑獄。主兵災。

隋書曰。天雨金銀。非吉祥。有亂臣也。

天雨螽蟊占

宋志曰。天雨螽蟊。則骨肉疎而致暴虐。

春秋傳曰。天雨螽蟊。刑罰暴虐。賦歛無已。

天雨血占

宋志曰。天雨血。乃天見其妖。不肖者不得久處其位。

歲中兵起。

班固漢書曰：天雨血不止者，不肖者不得久處，其歲中兵起。

天雨肉占

開元占曰：君行暴虐，天下不享其德，將易其君。

荀悅漢紀曰：視之不明，是為不哲，則天雨肉。

天雨成灰占

宋志曰：天雨成灰，暴政所致。殷紂無道，暴虐，天雨成灰。

隋書曰：天雨灰，帝惡人勝也。

天雨如墨占

宋志曰：天雨墨，多陰謀。

天雨釜甑占

宋志曰：物如小錢許從地中主出，其中如粟黍大，名曰雨釜甑。主歲稼。又曰：天雨釜甑，人相食，謂其中無物也。

天雨物占

宋志曰：天雨物，人莫識者，皆大兵起。

天降爵錫占

宋志曰：天雨露著物黃色，名曰爵錫，不出二年大凶。

又曰。下當有變。

乙巳占曰。不出三年。改政易主。

天雨水占

宋志曰。天雨水。則水失其性。故其分大疫。

班固漢書曰。天雨水。後妃崩。臣為亂。

天無雲而雨占

宋志曰。無雲而雨。貌之不恭。是謂不肖。灾禍沴之。

隋書曰。天無雲而雨者。反臣伏誅。

非時而雷占

宋志曰。雷發非其時。大臣專政。女后擅權。

晉書曰。非時而雷。為君失政。賊臣將起。

天晝降霜占

北齊書曰。晝降霜。君傳於太子。

梁書曰。六月降霜。百姓勞荒。

含王字占

宋志曰。君德應于天。上下和平。則日中含王字。

揚光耀占

宋志曰。人君聽政。皆德其色。精明而揚光。轉異於常也。

聖人在上占

皇明世法錄 卷十七  
宋志曰。聖人在上。群臣履職。乘土德王。其太平則五色俱燭耀。

京房曰。聖人在上。寅亮天工。則日之光明。五色備矣。

四彗熒煌占

宋志曰。人君有德。天下大豐。則日四彗。其光芒出如四彗也。

二彗占

宋志曰。天下大赦。一歲在赦。則有二彗。

外有重光占

宋志曰。有禪封之慶。則重二光。而其外一重色赤。是

為重光。

黃氣潤於日上占

宋志曰。人主宮中有喜。則其上有黃雲氣潤澤。

青雲澤於西北占

宋志曰。舉賢良於國。則有青雲潤澤西北。

若黃雲守日占

宋志曰。外國入貢。則有黃雲守日。

如龍鳳抱日占

宋志曰。君聖臣賢。天下順心。則氣如龍鳳龜鶴形。圖而抱之也。

但見日久不明占

宋志曰。日久不明。上下蔽塞。群臣恣而專刑。若過中光暗占

宋志曰。日過中時無光。德政不明。日未入而無光占

宋志曰。日未入而停停無光。曰日歿。又曰朔日日紫色。氣占爲喪事。亦爲侯王歿。

日已出而光暗占

宋志曰。日出二竿。停停無光。曰日病。又曰黃色無光。爲王侯病。又曰主上病。

日色赤如赭占

宋志曰。日出如火。或光如赭色。大將軍戰歿。

武密曰。主負於臣。百姓怨而天下旱。

色赤如血占

宋志曰。日赤如血。其下有喪。及臣反國亂。灾癘盜賊竝起。

雲全無而光暗占

宋志曰。日當晝無雲而光暗。是謂晝昏。陰反陽。臣叛君。奸臣盛。法令不行。又曰殺戮死亡之兆。若似殺氣寒濁者。大咎。又曰分土。三日內有雨之占。

雲盡赤而光暗占

宋志曰天下雲盡赤日色無光者兵起

日中分再出再沒占

宋志曰日中分或出非其所再出再沒皆主其下亡

主

日消下飛鳥飛燕占

宋志曰日消小其下君長凶日中鳥見主不明為政

亂有白衣會將相出旌旗舉其下國分凶若出軍

過之將軍敗

日隕則為鼎立占

宋志曰日隕地其下失政

古今占曰日隕地天下鼎立也

日闕則為兩競占

宋志曰日闕者別有假象共日體相凌離而復合合

而復離日魄失光乍明乍暗或鳥體俱見在於食

時之前晡晚已後者為日闕闕者兩侵之象天子

惡之

星月晝見占

宋志曰日月與天星並晝見是謂爭明大國弱而小

國強有立王侯日無光而星月有光者國危主天

皇明世法錄 卷十七  
下不安。及天子不能正。

飛流犯日占

宋志曰。飛流犯日。映日而前。銳後方。災及臣宮不安。天下振動。若日無光者。民疫歿。

祆日宵出占

宋志曰。日夜出名曰陰明。天下兵起。下臣凌上。洪水流行。日月竝夜見。天下分離。

尚書金櫃曰。日夜出者。紀綱滅。大臣專政。威權削奪。開元占曰。三苗大亂。天命殛之。

衆日竝出占

宋志曰。兩日竝出。天下用兵。無道者亡。是謂陽明假主。抗衡竝爭。則其下國亂。三日竝出。不過三旬。諸侯爭。衆日竝出。天下分。若兩軍相當。數日竝出。有大戰。拔城。當分營以應之。

當晝暝晦占

宋志曰。日晝昏。行人無影。到暮不止者。爲刑急。又曰。不出一。年有大水。晝昏而群鳥亂。失分土。

日中黑氣占

宋志曰。日中黑氣者。祭天不順之異也。黑氣者。亦爲日薄皆陰也。若乍三年五。則臣有謀反。又曰。臣蔽

主日中黑氣不明所致。

黑子若有黑色占

太公曰日中有黑氣若一二三四五日者教令不明。三公爲亂賞罰不平。

齒足俱見占

宋志曰雲間日影屬地者爲足赤者有舉兵白有敗將破軍日有齒足其下叛。

春秋感精符曰夷狄竝侵戰兵用將則垂牙舉足。

日月竝出占

宋志曰日月竝出國分兵起若相去數寸臣叛而謀

上又曰日月竝照日光不盛月光獨盛皆爲后妃擅權又曰日月竝晝見兵起臣叛日月竝出其後越滅吳臣欺君夷狄侵中國。

日之色赤占

宋志曰日之色赤則君無智。

京房曰發號施令動害百姓則日應之而赤矣。

日色白而青占

宋志曰日之色青白則君弱。

京房曰人君軟弱海內皆貧則日色青而白。

日之色黃占



皇明世法錄 卷十七  
宋志曰日之色黃君聞善不與

京房曰賢者之言行之而蔽其人有其美以自有揚厥功日色必黃

日之色黑占

宋志曰日之色黑則君惡見於民

京房曰臣不能進諫於君怒惡百姓則日色黑

異星如火占

梁書曰異星如火國有火災

天常寒占

范曄漢書曰水主冬冬氣藏藏氣失故常寒

天將寒占

隋書曰天氣已將地氣未昇上下未交晝則日青夜則日綠將寒候也

天將霽霧占

隋書曰天地二氣升降上下雖未交密則日色黑若於夜則月色青將雨不雨變爲霽霧

大星如月占

班固漢書曰有大星如月衆星隨者

占曰大星如月大臣之象衆星隨之象皆隨從也此大臣欲行權以安社稷也

赤氣亘天占

隋書曰赤氣亘天夜始滅者有兵大戰

非時降雪占

宋志曰雪降非時迫近之象一曰夏雪臣作亂  
晉書曰非時降雪政在將相陰氣

天雨魚占

荀悅漢書曰天雨魚帝道凌夷臣專政

天雨粟占

司馬遷史記曰燕丹太子囚於秦天雨粟於燕

天雨黃塵占

隋書曰天雨黃塵天下大饑

地震於屋占

班固漢書曰地震於屋則瓦落

又曰臣下強盛將動而爲害

地震於宗廟占

宋志曰地震於宗廟宮室或動而不已者國有叛臣  
讒佞進大臣叛動則誅罰不以理而上下不相親  
政在女子

京房易祿占曰地震於宗廟者邑有反臣國有亂臣  
地動不已

地震災異占

范曄漢書曰地陰也法當安靜今其越陰之職專陽之政故應之以震

地震驚牛馬占

宋志曰若牛馬禽獸奔走者天子惡之京房易祆曰地震驚牛馬禽獸者天子失位

地震於木占

班固漢書曰地震於木則搖

地震於水占

京房曰臣弄權專政則地必震其震於水則波

氣黑如龍衝日占

宋志曰黑如龍來衝日有臣叛也

乾象新書曰日傍氣如龍衝日下有叛臣

氣青如龍守日占

乾象新書曰氣如青龍守日宜戒飲膳下有謀

黑氣如人在日中或日背臥占

宋志曰日中有雲如人或黑氣如人背臥日旁者皆有叛臣

有叛臣

赤雲如輪在日側占

宋志曰赤雲扶日或曲如輪在日傍名曰扶背為兵

起失地。

乾象新書曰日傍氣如車輪名曰扶其下有兵亡地  
日下雲如虎躅占

宋志曰雲如虎躅在日下者大將叛。  
日旁氣如冬株占

宋志曰氣如冬株在日傍者兵起客勝一曰冬株又  
爲冬樹。

乾象新書曰日下氣如冬樹者兵起客勝  
氣如人持如人牽日占

乾象新書曰日下氣如人牽日其下有叛。

若有青馬青鳥向日下占

宋志曰雲如青赤馬向在日下。或兩青鳥相向在日  
下者人主馬相

如車馬走日下占

宋志曰氣漠漠如車馬馳走之狀。在日下者下有破  
軍。一曰有反者披甲而走。

如斧鉞在日下占

乾象新書曰日傍氣如斧君失禮致憂。  
赤雲如杵衝日占

宋志曰赤雲截日大如杵軍在外萬人歿。又曰來衝

者君惡之。

或如血以覆日占

宋志曰赤血覆日如血光者大旱民流千里。

氣掩日如蓆如布占

宋志曰氣如布蓆掩日兩軍相當其下大戰若色白在日旁尤甚萬人歿。

如馬如牛守日占

宋志曰赤氣如馬守日戰則兵喪一曰兵則連綿又曰赤氣如牛守日其下有兵色赤扶日亦如之也

日下氣如人垂衣占

宋志曰如人垂衣在日下爲天子之氣。

日出雲如張蓋占

宋志曰日始出有雲如車張蓋則必雨。

日上青氣來居占

宋志曰青氣在日上下者吉可以出軍。

日出入黑雲橫貫占

宋志曰日出或入黑雲橫貫之不出三日有暴雨日始出而隔之其下有兵有雨解之。

氣直立於日傍占

宋志曰日旁有氣直立或貫日者宮中有爭鬪。

或相交於日側占

宋志曰氣如交蛇在日傍者其下有賊

如人頭居日之傍占

宋志曰氣如人頭旌旗在日傍為兵戰

其德曰日傍氣如人頭流血之象

若灰蛇在日之下占

宋志曰赤氣如灰蛇在日下者大饑疫

左右如鳥占

宋志曰赤雲如鳥夾日而飛主君憂

日上下似龍占

宋志曰雲如龍而黑在日上下主風雨之候

氣映日如旌旗占

乾象新書曰日傍氣如旌旗有兵流血

雲夾日如掃者占

宋志曰赤雲如掃夾日兩頭銳在日傍不利先舉兵

二白雲扶日占

宋志曰白雲廣二尺在日左右其分兵起國憂

三赤鳥喙日占

宋志曰雲如三赤鳥啄日者必有兵起

雲如雞臨於日上占

宋志曰赤雲如雄雞在日上不出三月有兵  
氣如箭射向日下占

宋志曰氣如箭射向日下者不出三月軍出  
伏虎守日占

乾坤寶典曰日旁氣如伏虎守日大將謀變

曲雲向日占

宋志曰赤雲向日者不出三年有自立者

氣青黃赤白刺日占

宋志曰赤白青黃氣刺日其分兵喪

雲如虹與日俱出占

宋志曰赤雲如虹與日俱出所臨國分有兵憂

日未出赤雲在上占

宋志曰日未出而赤雲見日上君側有佞臣

氣相交穿貫日傍占

宋志曰氣相交穿貫日傍者將不和有背主者又曰  
在其下君長凶

氣如蛇貫日占

宋志曰氣如蛇貫日青則疾疫五穀傷

氣如赤蛇貫日占

宋志曰氣如赤蛇貫日則有叛

氣如黃蛇貫日占

宋志曰氣如黃蛇貫日則爲交兵。

氣如白蛇貫日占

宋志曰日旁氣如白蛇貫日則爲兵起。

氣如黑蛇貫日占

宋志曰日旁氣如黑蛇貫日卽多雨水。

氣黃曲向日占

宋志曰氣黃曲向日爲抱當有子孫喜臣下忠鄰國來降。

晉書曰日旁氣如半環向日爲抱。

乙巳占曰若兩軍相當則爲和解也。

形曲背日背叛占

宋志曰形曲在外則爲背背叛乖逆之象亦其下有叛者。

圓而小者爲珥占

宋志曰氣圓小在日傍爲珥所臨者喜。

王朔曰珥者耳也珥爲近臣也又親近人也當如耳也。

長而立者爲直占

宋志曰長丈餘直立日傍爲直氣則下有自立者。



乙巳占曰其分有自立王者。

日傍一珥占

宋志曰一珥者氣在日傍左者或右者為喜兩軍相當欲和解所在分無軍為拜將也。

五日傍兩珥占

宋志曰兩珥者氣圓而小在日左右主民壽考珥常扶日民不失天常。

王朔曰日珥等兩軍相當無常奈何也。

日傍三珥占

宋志曰三珥而其色黃者女后有喜白為喪赤兵。

日旁四珥占

宋志曰天子有子孫之慶或立候王。

日有五珥占

京房曰日朝五珥國憂兵起夕珥必有大客。

日有六珥占

甘氏曰日有六珥今日大提其分有喪。

類兩直而相交占

宋志曰狀類兩直相交淫悖內亂之象。

乙巳占曰人主有淫悖之行則有此氣。

開元占曰交者青赤如暈狀或如今背或正直交也。

形如背而中起者殃占

宋志曰形如背肢體類山字則為殃見則君不和上下殃傷

乙巳占曰兩軍相當所臨者敗有軍必戰

直橫於日上下日格占

宋志曰氣青赤橫在日上下者為格格闕之象

交曲於日左右為紐占

宋志曰氣小而圓在日下左右為紐氣又云曲雙垂背為紐氣者喜也

乾坤寶典曰人君有納寵進幸之象

氣小在日下而向上者為纓占

宋志曰氣小在日下而曲向上者為纓氣為得地之喜

日上有戴氣占

宋志曰氣橫在日上形直而其上微起者為戴戴者德也推戴福德之象主國有喜人君有至德於天則有之

日下承氣占

宋志曰氣赤小如半暈狀仰在日下為臣承君也又曰日下黃氣三重若抱日承人主有喜且得地

乾坤寶典曰。不出其年。將帥有攻城得地。

日上冠氣占

宋志曰。氣抱在日上者為冠。氣主冠帶之象。當立侯王。封建親戚。國當有喜。

天文錄曰。氣小者為冠。

日上負氣占

宋志曰。氣赤如半暈狀在日上為負氣。為得地之喜。又曰。日未出而日上有黃氣如半暈。名曰負氣。人君有喜之應。

日下履氣占

宋志曰。氣如履或直立在日下皆為履氣。氣主內外安寧。

日傍戟氣占

宋志曰。斜倚日旁為戈戟。主兵刀相加。或其分有戰爭。

日傍提氣占

宋志曰。氣如赤雲類珥。而長為提氣。有亡兵地。

晉書曰。氣形三角在日四旁為提。一曰日旁氣如車輪。

雜氣刺日占

皇明世宗 卷十七  
乾象新書曰青黃赤白氣刺日其下有兵喪

日旁重抱兩珥占

開元占曰日旁重抱兩珥人主有喜

日旁四珥兩抱占

開元占曰日旁四珥左右兩抱子孫昌

三抱兩珥占

開元占曰三抱重有兩珥色黃白潤澤天子有喜是

為大和

日上一抱一背占

宋志曰一抱一背為破走抱者順氣也背者逆氣也

兩軍相當順抱擊逆者勝故言破走

開元占曰有欲有逆有欲者為忠矣

日有背氣占

開元占曰日背而映大臣反叛天子有憂

冠珥占

開元占曰冠而珥人主有喜且有所自立

戴珥竝出占

開元占曰戴而珥天子有子孫之喜一曰人主喜天

下和平

日有冠纓俱見占

皇明世法錄 卷十七  
開元占曰冠纓上下南北有善人出其位也

日有冠紐兩珥占

開元占曰冠紐左右而珥天子有喜人而逆者除之

日有抱珥重光占

開元占曰抱珥重光以見吉祥福祿並降

日有二背一直占

開元占曰日有二背一直者大臣謀反欲自立也

日有一抱兩珥占

開元占曰一抱兩珥天子有喜下有黃氣如月太子

有喜

日有戴氣占

開元占曰戴而冠色黃白潤澤天子有喜

日有珥而戴占

開元占曰珥而戴者人主有喜天下和平

日上下有冠紐占

開元占曰冠紐者君兄弟私相和姦臣也又曰君欲

自立青衣為妻

日下有纓珥占

開元占曰纓而珥后宮有喜

日有冠珥占

皇明世法錄 卷十七  
開元占曰。日有背映而冠珥氣雜於中。主將亂國。天子有憂。

日有背映四直之占

開元占曰。日有背映四直交於中。臣邪爲災。

宋志曰。背者逆氣也。背多直少。謀國者自立必成。

日有抱氣占

宋志曰。抱者順氣也。抱多直少。謀國立爲不成。若兩軍相當。日旁雜見有抱者。宜從抱而擊。無抱者。當順紅而戰。

日暈有抱珥提氣占

宋志曰。日暈氣之類有多。天地相交而不密。未成風雨。當爲暈。亦軍營之象也。其別有抱珥。雲氣提虹之貫屬。尤主軍事。

乾坤寶典曰。暈而周匝。軍威之象。

日有黑暈占

開元占曰。日有黑暈。主災。在用事之臣。

日有青暈占

開元占曰。日有青暈。不出旬。日有大風。糴貴。人多疾。

日有赤暈占

開元占曰。日有赤暈。必有大雨。雷雹霹靂。雨雹或大。

皇明世法錄 卷十七  
暑。

隋書曰日暈內赤外青群臣親。

日有白暈占

開元占曰日有白暈有暴兵起。

日有黃暈占

開元占曰日有黃暈人主有喜。一曰風雨時田苗見大安也。

隋書曰日暈黃色土功動人不安。

日有半暈占

宋志曰暈而不匝半暈所在之方其軍戰勝。又曰半

暈而向曰方對所向之方夷狄入中國。

古今通占曰日暈不匝作兩抱者凶。

半暈如鼎蓋占

宋志曰半暈在日上如鼎蓋有欲和親。一曰有兵。

半暈再重占

宋志曰半暈再重國民蕃息歲大稔。

日有兩暈占

宋志曰日暈兩半者有大風起。

隋書曰半暈南向者北夷人欲反入國。

日暈如井垣車輪占

宋志曰。暈如井垣車輪。二國以兵亡。

隋書曰。日暈如車輪。左日左右兵起。城破。

方暈如井幹占

宋志曰。暈方如井幹者。天下不和。一曰有大兵起。

隋書曰。日暈如井幹者。國亡有大兵。

日暈上下有二背占

宋志曰。方暈上下聚二背。將敗人亡。

隋書曰。日暈上下有兩背。無兵兵起。有兵兵敗。

有交暈占

宋志曰。交暈則為兩重。兵起爭地。若寇日。則其下有

敗兵

隋書曰。日有交暈。厚人主左右有爭者。

日暈交如連環占

宋志曰。暈如連環者。則為兵起爭地。貫月則兩敵相

向順以戰勝。貫日有軍敗將歿。

隋書曰。暈連環者。為兩軍兵起爭地。

日暈兩重占

宋志曰。暈再重。人君有德。又曰立侯王。一曰攻城不

克勝。

日暈三重占



皇明世法錄 卷十一  
宋志曰。暈三重。兵起穀傷。赤雲貫之。其下有失地。

日暈四重占

宋志曰。日暈四重。有軍於野。敗。無軍於野。其下有叛臣。

日暈五重占

宋志曰。暈五重。女宮有憂。一曰有兵。民饑。

日暈六重占

宋志曰。暈六重。其下失政。兵喪。

日暈七重占

宋志曰。暈七重。中國弱。夷狄盛。一曰主更主。

日暈有一抱一背占

宋志曰。暈有一抱一背。爲破軍。敗亡。又爲不和。

晉書曰。日旁一抱一背。爲破。抱者順氣也。背者逆氣也。兩軍相當。順抱擊逆者勝。故破走。

日暈有玦占

朱文公曰。日暈有玦。裂土而立王。

日暈上下有負氣占

開元占曰。暈負者赤青如半暈狀。而暈者上也。負者位也。爲得地爲善。

日暈兩耳虹貫占

皇明世法錄 卷十七  
宋志曰。暈兩珥而虹貫之。得二將。三虹得三將。

日暈兩珥兩重雲貫占

宋志曰。暈兩珥雲貫之主病。

日暈四背在暈內占

宋志曰。四背在暈內。名曰不和。有內亂。又曰暈而四背如輪者。其國家重在外。則有反臣。

隋書曰。日暈四背在內。名曰不和。有內亂。

日暈有二背氣占

宋志曰。暈上下有兩背。無兵兵起。有兵兵入。

隋書曰。日暈上下有兩背者。無兵兵起。有兵兵賧。

日暈八重占

宋志曰。暈八重。民亂軍憂。

日暈九重占

宋志曰。暈九重。歲荒。夷狄侵邊。

日暈十重占

宋志曰。暈十重者。天下大亂。

日暈在卯辰巳上占

乙巳略例曰。日暈在卯辰巳方。天子憂民。月內多雨。

日暈未申酉方占

乙巳略例曰。日暈在未申酉方。君后憂。多雨水。

日暈當午圓占

乙巳略例曰日暈當午而圓者天下安萬物賤

日暈有抱珥占

宋志曰言之屬者非止抱珥之類

日暈抱珥在暈內占

宋志曰暈內有抱珥圍城者軍內人勝

抱珥在暈外占

宋志曰暈外有一抱一珥外人勝

暈有直珥貫日占

宋志曰暈直珥為軍破貫日者為殺將

日暈有抱珥背氣白虹貫占

宋志曰暈而抱且兩耳至日一虹貫之有玦重抱兩耳與抱珥而白虹貫之五者皆順抱擊之勝

日暈兩抱占

開元占曰日暈兩抱天下和平亦為天子有喜

重暈背玦占

開元占曰重暈有背玦判從中起不成

半暈有一背一玦占

宋志曰半暈有一背一玦或暈而兩旁不合皆為臣有謀不成

日暈一冠一紐一珣占

開元占曰。日暈冠紐。人主有喜慶。且有所立。

日暈四珣四背四玦占

開元占曰。日暈四珣四背四玦。臣有謀。有急事。關閉

不行。使天下更令。三日內有雨即解。

負氣在暈上占

開元占曰。赤青如半暈。着暈上為善。亦為得地。

日暈有背珣直虹貫占

宋志曰。暈有背珣直而虹貫之。或暈而貫之。至日或

不至日。順虹所指。從所擊之勝。

日暈四抱占

開元占曰。暈四抱。天子有喜。天下和平。色赤黃白吉

和親事。

白虹貫日占

宋志曰。暈而白虹貫日。近臣為亂。下則諸侯有判者

人曰。重暈而白虹貫日。圍城則客勝。

隋書曰。日暈有白虹貫之。順虹擊之勝。

日暈有珣占

宋志曰。暈而珣。官中忿爭。在春則天子更令。又曰。臣

有謀。軍在外。外軍有悔。

日暈有抱氣占

宋志曰暈有一抱者為順貫暈在日西西軍戰勝在日東東軍戰勝四方急如之

日暈有一背氣占

宋志曰暈有一背有反臣有反者在東東軍叛三方亦如之又曰暈而背兵起其分失城

日蝕有大風占

宋志曰日蝕有大風四方有雲者宰相專權欲叛

日蝕有地動大寒占

宋志曰日蝕地動色昧而寒公侯專恣大寒兵動

日蝕有氣如虹蜺在日上

宋志曰日蝕有妖氣如虹蜺在日上者近臣犯上又曰四邊有黑雲者臣不進忠

日蝕有暈如鳥夾日占

宋志曰日蝕氣如暈夾日名曰天鷄守日或有暈有珥皆為后妃有謀事

日蝕有氣如白兔占

宋志曰日蝕有氣如白兔守日者民叛而兵起

日蝕有兩珥四珥占

宋志曰日蝕有兩珥四珥或白雲中出

甲乙日天下有兵。丙丁日天下疫。

戊巳日有兵喪。庚辛日下追上。

壬癸日土工興。

日大而光占

宋志曰。月者太陰之精。闕者盈極必缺也。其體主夜。為陰。為后。為臣也。妻妾為水。

京房意傳曰。天下和平。上下俱昌。則月大而光。

朔而月見東方占

宋志曰。朔而月見東方。是在日後為太遲。曰胸。人君嚴肅。臣下危懼之象。

京房易傳曰。朔而月見東方。謂之反反。則侯王嚴肅。

劉向以為反者。不進之意。君肅急。則臣恐懼。故日

行疾。月行遲。不敢迫近君也。侯王縮胸不任事。故

月行遲。

晦而月在西方占

志曰。晦而月在西方。是在日前為太疾。曰朕。人君舒緩。臣下驕盈。專權之象。

月行九道於中道占

宋志曰。明王在位。則月行依九道。月上下皆明。

月進退不常占

宋志曰。臣及女后外戚專權。則月多失道。遲疾進退不常。故曰。月有變。人主常賜赦。寬恤刑獄。可解。

月行中道占

景祐占曰。天之三門。猶房之四表。中央日天街。天之中道。天門也。月順軌道。繇乎天街。則天下和平。

河圖帝覽嬉曰。月行中道。是謂安寧。天下和平。

京房曰。天下大安。五穀豐登。人主益壽。則月行天之門。

月有戴氣占

宋志曰。君道福昌。后妃有喜。則月有黃芒。或有戴氣。

荆州占曰。月有戴氣。不出一百日。人君有喜。

正月偃形占

宋志曰。國有喜。則二月爲偃形。

京房飛侯曰。正月爲偃形。其下國有喜。

月變青色占

宋志曰。月色青。爲憂爲飢。

晉書曰。月變色。將有殃。

符應圖曰。君乘木德而王天下。其政頌平。則月色青而明。

月赤色而明占

符瑞圖曰君乘火德而王天下其政頌平則月色赤而明。

月色黃而明占

宋志曰黃色為有喜為德。

符瑞圖曰君乘土德而王天下其政頌平則月色黃而明。

月白色而明占

符瑞圖曰君乘金德而王天下其政頌平則月白色而明。

月黑色而明占

宋志曰月色黑為水為病。

符瑞圖曰君乘水德而王天下其政頌平則月色黑而明。

月變色失行占

宋志曰朝無忠臣而小人用事則月變色失行。

晉書曰月變色失行陰國強中國弱。

月望前西缺望後東缺占

宋志曰名曰反月其下臣不奉法侵奪主勢無救則為災。

景祐占曰正刑罰誅姦猾正賢良去稽疑則月變不



爲傷也。

月未當望而望占

宋志曰。月未當望而望者。則有更令攻人者大吉。

河圖帝覽嬉曰。月未當望而望者。是謂促兵攻他人

地者大昌。

月當望而不望占

宋志曰。月當望而不望者。人主不昌。攻城不克。

河圖帝覽嬉曰。月當望而不望者。攻他人地者有殃。

所在宿下國亡。

月未當缺而缺占

宋志曰。未當缺而缺。女后大臣退黜。

月當毀而不毀占

宋志曰。當毀而不毀。臣凌君。有兵及水。

月大盈占

朱文公曰。大盈則人君憂戚。

月大縮占

朱文公曰。大縮則臣下不祥。

月當出而不出占

宋志曰。當出而不出。有陰謀。其下國亂。

月當晦而不晦占

皇明世宗金 卷十一  
宋志曰當晦而不晦者其分亡地

李淳風曰月當晦而晦不盡者所宿國亡地

月初出生光盛明占

宋志曰月初出盛明者女后專權持政

月當望月內不見蟾蜍占

宋志曰望而月中蟾蜍不見者其分大水城陷民流

宮中不安

又總論曰月中不見蟾蜍者所在宿國大水城陷

民流

月望無光占

宋志曰君不明臣不忠則月無光

月晝明占

宋志曰月晝明者奸臣專政陰國兵強中國飢天下

謀僭

月傍生齒占

宋志曰月若生齒有賊臣群下相殘一云王者當脩

左右

月底垂芒占

朱文公曰國家昏亂月底垂芒

月為二道占

朱文公曰。分爲二道。禍生僭逆。

月毀數段占

宋志曰。毀爲兩段。將相有謀。三段四段者。天下分張。

月赤如赭占

宋志曰。月赤如赭。今大將死。色如火。歿于野。

天文總論曰。月赤如赭。大戰。將死于野。

月墜于地占

宋志曰。月自天如地。大臣亡國憂。

京房曰。月自天墜。有道之臣亡。

月角有一星占

朱文公曰。月角各有一星。有軍在外国。賊至。

兩月竝見占

宋志曰。兩月並見。其下兵起。國亂。地陷水湧。

數月並見占

宋志曰。三月四月以致數月並見。其下異姓大臣爭。

爲破亡。

京房曰。易經婦貞厲。月幾望。君子征凶。言君弱而婦。

秉政。則數月並出。

晉書曰。數月重見。國以亂亡。

月見日中占

宋志曰日中而月見光其下失土。

大星入月占

宋志曰大星入月中其下兵喪亡地。

京房曰月中有星天下有賊星多主賊多故月行有變人主當賜赦寬刑恤獄。

雲如禽獸在月傍占

宋志曰月始出時有雲居其中似禽獸狀名曰纂婁所見之日德王之方受其害餘皆倣此。

月下雲氣如人相隨占

宋志曰月下有氣如人相隨是謂惡城其分侯王當

之。

月中有氣如人行占

宋志曰若其中有如人行兩相爭則客勝。

月旁有雲白如杵占

宋志曰月下有氣如人相隨月旁白雲大如杵抵月有戰軍破將歿。

月旁赤雲如人頭占

宋志曰若月旁多雲如人頭占其色赤為大戰白為多兵黑為多雨一曰白多為風。

黑雲來刺月占

宋志曰。黑色則爲雨。踰時也。

赤雲來刺月占

宋志曰。月旁有雲刺之。赤則敵軍相攻。

高宗曰。赤雲刺月。是謂仇賊。

青雲來刺月占

宋志曰。月旁有雲刺之。色赤則爲賊害君長。五穀不

熟。

高宗曰。青雲刺月。是謂賊害。王受其殃。

黃雲來刺月占

宋志曰。黃雲刺月。女主憂。

白雲來刺月占

宋志曰。月旁有雲刺之。色白。則其下軍亡。

雲氣鳴鷄飛鳥群羊豕占

開元占曰。有黑雲如羣羊群豕飛鳥鳴鷄在月旁。如

三五日不雨。匈奴兵起。

一白三蒼二黑雲貫月占

宋志曰。月旁有一白三蒼二黑雲。其大如席。抵月。或

貫月。圍邑則拔城。

月不暈而有珥占

宋志曰。月不暈而珥。人主有喜。兵在外有喜。一曰有

珥占其色青憂赤兵黃喜白喪黑雨又主國凶兩珥十日內有雨

昏時月生珥占

宋志曰昏而珥國有半喜

夜三更月生珥占

宋志曰夜半而珥邊地有恐怖

三珥忽見占

朱文公曰三珥忽見國喜將至

月有四提占

宋志曰月有四提無后其下憂

月有暈而有缺占

宋志曰不暈而有四缺主臣下謀不成

月生四珥占

宋志曰四珥女后憂不則人主立侯王又曰國安君有喜

月有兩珥占

宋志曰有兩珥十日有雨珥而白虹貫之天下大戰

河圖帝覽嬉曰月有兩珥其下國喜軍在外勝

珥有戴占

宋志曰珥且戴不出一百日主有喜慶

皇明世法錄 卷十一  
背氣而缺占

宋志曰。不暈而背缺。臣下弛縱。將欲自殘。備左右吉。京房曰。月背缺。其國有反者。

暈日暈月占

朱文公曰。暈日暈月。戰謀不決。而戰兵不合。

開元占曰。日月不暈。戰兵不合。謂晝則日有暈。夜則月有暈。

月墜於地占

天文總論曰。月墜於地者。大臣亡。國有憂。

月旁有抱背二氣占

開元占曰。月旁氣且抱且背。爲不和之象。

月暈衝國占

宋志曰。月暈者。臣下專權之象。受衝之國不安。或七日內有風雨卽解。

月終歲無暈占

宋志曰。終歲無暈。天子偃兵。鄰國求和。

月暈兩重占

宋志曰。月暈再重大風起。若有背氣在外者。私於外。背氣在內者。私於內也。

月暈三重占

宋志曰月暈三重。天下受兵。若有赤雲貫之。其下亡地。

月暈四重占

河圖帝覽嬉曰。月暈四重。有亡國死王。

月暈五重占

朱文公曰。暈五重。則女后之憂。

月暈六重占

宋志曰。暈六重。其分失政。

月暈七重占

宋志曰。七重。其下凶。當易主。

月暈八重占

朱文公曰。暈八重。亡國死王。

月暈九重占

宋志曰。九重者。其下兵起。流血亡地。

月暈十重占

宋志曰。十重者。有大變。一曰天下更王。

月暈有虹霓背玦度暈占

宋志曰。月暈而無精光。虹霓背玦度暈中。是謂大盪。

其下兵喪。

隋書曰。月暈有霓雲乘之。以戰從所往者大勝。



宋志曰暈而雲若三若四貫抵月以戰勿當而必破

月暈不合占

宋志曰暈不合外有背缺者有謀不成

月暈有虹霓直指月占

宋志曰暈虹霓指月者破軍殺將

月氣從外入從內出暈占

朱文公曰暈而白氣從外入拔城得將暈而白氣從

中出圍城自殃

宋志曰白氣自外入外勝白氣從中出內勝

有雲來貫暈占

宋志曰暈而有雲橫貫之先起兵者勝

白虹貫月占

宋志曰白氣貫月其下有亂

晉書曰雲貫月其有廢主王者惡之

月暈連環占

宋志曰人有陰謀白虹貫月大兵將起暈戰于野

乙巳略例曰月暈如連環天下不安后妃有陰謀

月有交暈占

高宗占曰月有交暈赤色其國不出一年遇兵起

月暈有背氣占

宋志曰暈有背氣所臨者敗

月暈有珥占

宋志曰有軍月暈而珥從珥擊之利無軍月暈而珥

期六十日兵起五穀豐登歲序平康

月暈黃色占

宋志曰軍在外暈臨軍上戰必勝

月有二暈相連如珥環占

開元占曰月暈如連珥環為兩軍必勝兵起爭地五

色尤甚

月暈連環及北斗占

開元占曰月暈連環及北斗天下大亂國喪民流十

里下則有拔城及城一曰天下兵大大起

重暈于北斗魁占

開元占曰月暈連環重暈北斗魁前一星第二星大

臣下獄流移千里

月暈火星占

宋志曰月暈熒惑女主憂兵在野無兵大旱兵起之

兆

月暈歲星占

宋志曰。月暈歲星。其下主病。糴貴。若與月合在氐而暈。期四旬有德令。

月暈金星占

宋志曰。月暈太白。兵戰不勝。星入暈中。星色不明。而有角客勝。

月暈辰星占

宋志曰。月暈辰星有水。春夏民病寒熱。秋兵起。冬主憂。春大旱。在夏主兵起。秋大水。冬大喪。月暈五星。若春木夏火秋金冬水四季土。皆為其下兵亂。五星相近。或聚一舍暈盡及之。其下軍惡之。

月暈填星占

宋志曰。月填星所在之方兵起不勝。相死則亡地。又曰。后有憂。

月暈客星占

荆州占曰。月暈客星所臨宿之國有憂。又曰。星在月北。北國勝。他地方亦如之。

流星出入月暈占

宋志曰。月暈而流星出暈中。其分貴人出。又曰。國有憂。色赤拔城。黃益地。白年熟。黑敗軍。入暈中有大使入。

皇明世法錄 卷十七  
月暈歲星而蝕占

宋志曰月蝕而暈及歲星者天下大戰

月暈填星而蝕占

宋志曰月蝕而暈及土星乃土功興也

月暈金星水星而食占

宋志曰暈金則爲兵強暈水則爲死喪若月食而暈及太白者爲兵寇大將有二心合辰星而暈者有死喪

月暈熒惑星而食占

宋志曰月暈火星而食則其下破軍失地無兵則兵

起

月食而鬪戰占

宋志曰月食而鬪有軍必戰隨所食者戰利食而妖月出鬪人饑相食主凶

月食而暈占

石申曰月食而暈其國君主惡之

月蝕有氣出入占

宋志曰蝕而有氣出入從外入主憂從中出客憂若氣從南行者南軍憂三方亦如之

蝕而有彗孛星來入占

皇明世法錄 卷一  
宋志曰。蝕而有彗星入。其下有喪。

月始生見東方占

天文總論曰。月始生而見東方者。天下交兵。

月始生見南方占

月始生見南方者。米大貴。在其月。

月始生上大占

天文總論曰。月始生出而上大者。上旬米貴。

月始生下大占

月始生而下大者。下旬月米貴。

月未上弦而上弦占

李淳風曰。月未上弦而上弦。其下國有兵。

月未下弦而下弦占

李淳風曰。月未下弦而下弦。其下國有姦臣。

月當盡而不盡占

荊州占曰。月當盡不盡者。其分國亡。

月當滿而不滿占

易萌氣福曰。月當滿而不滿者。君侵臣。則有火旱之災。

月半暈向東方占

乙巳占曰。月暈向東者。風敗五穀。

月半暈向北方占

乙巳占曰月暈向北者為水

月半暈向南方占

乙巳占曰月暈向南者旱風

月半暈向西方占

乙巳占曰月暈向西者風雨害殺

月犯五星占

宋志曰人君將有災眚則月與五星相犯

月犯歲星占

宋志曰月犯歲星其分饑而民流移亦為邊兵

月與歲星相乘占

宋志曰歲星與月相乘有拔城而相歿

月食歲星占

宋志曰月與歲星相凌犯而歲星入月中月掩歲星不見為月食歲星入臣賊主一云其分有逐相

歲星食月占

宋志曰月凌犯於歲星歲星入月中而見星為歲星食月臣下叛或有歿又曰有易主

月凌歲星側占

宋志曰月凌犯歲星之側則多盜賊刑獄極繁

皇明世法錄 卷十七  
歲星入月中占

宋志曰歲星入月中其分有逐相人臣賊主

月與火星相近占

宋志曰月與熒惑相近其分兵起又曰貴人歿

月犯火星占

宋志曰月犯熒惑以戰小吏死亦曰貴人出有兵一

宋曰戰勝之國大將歿

月嚙火星占

宋志曰熒惑犯月而嚙之有軍破敗而北

火星食月占

宋志曰熒惑入月中而見爲火食月讒臣進用復宮  
有憂

月食火星占

宋志曰熒惑入月中而星不見爲月食火其分兵擾  
有白衣之事

火星順行入月中占

宋志曰火星順行入月中者憂在宮中非賊乃盜也  
有亂臣國相死若爲兵死喪以戰不勝一曰臣叛  
其主

火星逆行入月占

宋志曰。火星逆行而入月中。讒臣用事也。及相犯七寸之內者。人主惡之。

月犯土星占

宋志曰。月犯土星。其宿國不犯上。又曰。臣民有叛者。亦曰。其國貴人兵歿。天下亂。有大風。有亡地。有大喪。

土星入月中占

宋志曰。土星入月中。而星不見。月食土星。女主死。其國以殺以伐而亡國。民流千里。

土星食月占

宋志曰。填星入月中。而見星。曰。土星食月。女主凶。不喪則黜。

月犯金星占

宋志曰。月犯太白。強侯作讐國。兵戰不勝。天下靡散。

金星貫月占

宋志曰。太白貫月。不出三年。國有兵。兵戰不勝。亡地。

月食金星占

宋志曰。太白入月中。而不見星。名曰。月食金。強國君憂。又曰。強國戰敗。亦為臣弒。主臣亦死。強國以戰而亡國。



金星入月占

宋志曰太白入月中而有光見星名曰金入月必有內患戰不勝國失政大人爲亂將戮死亦爲刑理失中自毀其法也。

月戴金星占

宋志曰月在金星下如頂戴爲月戴金有悴卒一曰有卒兵。

金星食月占

宋志曰金居月中而有光明見星名曰太白食月臣叛主一曰臣弑主。

月犯水星占

宋志曰月犯辰星兵起上卿亡或廷尉憂一曰天下有大水。

水星入月占

宋志曰水星入月中有水刑事一曰臣叛主。

水星食月占

宋志曰水星入月中而見星爲水食月天下民大憂月食水星占

宋志曰辰星入月中而不見星名曰月食其分有憂一云以女亂亡國其分水饑一曰其國女戰又曰

無兵而食，所當之國兵起，戰不勝。

彗星貫月占

宋志曰：彗星入月中，期十二年大飢。若食之，若貫之，爲臣叛。

荆州占曰：彗星入月而月無光，有亡國。星入月亡復其主，彗星在月上，兵起將死，四夷來侵。

流星衝月占

宋志曰：流星衝月及雨貫月，大臣凶。若衝而透過，爲貫月，爲災尤甚，亦爲太子有咎。

奔星入月占

宋志曰：奔星入月，其下有謀。又曰：若無光，則將戮。流星入月，女主有疾，有削土星，則爲兵爲喪。

木星在春季占

朱文公曰：歲星爲福，其占在春。

木星在春變色白無光占

宋志曰：春行秋令，則歲星變色而無光，人有疫，颶風暴雨，總至。主藜莠蓬蒿並興，國當大水，寒氣總至。寇戎來征，天多陰沉，淫雨大降，兵革並起。

木星在春變色赤占

宋志曰：春行夏令，則星變赤而有芒角，雨水不時，艸

木旱落。國將有恐。大旱。暖氣早來。蟲螟爲害。人多疫癘。時雨不降。小麥不收。

木星在春變色黑占

宋志曰。春行冬令。則星乃變黑。而水滂爲災。雪霜大降。首種不入。陽氣不勝。民多相掠。寒氣時發。艸木皆肅。

木星在春青色占

宋志曰。色青爲應候之溫。如是本色。其體潤澤。有芒氣皆爲福慶。

木星在春初出小而後大占

宋志曰。初出小而日益大。所居國利。

木星初出大而後小占

朱文公曰。初出大而日漸小。國耗之因。

木星去其舍而所去占

宋志曰。歲星去其舍而之他舍。所去之國爲兵。爲饑爲凶。爲失地。所居之國爲慶。爲樂。爲昌。爲得地。

木星未當居而居占

朱文公曰。未當居而居。當去而不去者。皆爲福慶。

木星未當去而去占

宋志曰。當居而不居。未當去而去。旣不居之。又復去。

之在左右，搖其國凶。

木星所衝之方占

朱文公曰：所衝之方，乃有殃咎。所在之國，可以伐人。

木星自暈占

甘德曰：木星自主暈者，則有喪事。

木星晝見與日爭光占

傳曰：晝見爲強臣，占曰歲星晝見與日爭光，文弱武強。

火星在夏季占

宋志曰：熒惑乃火之精，爲視且以審理之道，必有審

於視聽不法，皆自熒惑變生。聖人因而名之熒惑。一曰罰星，主糾察南方屬火，故夏占之。

火星在夏變色青占

宋志曰：夏行春令，則星色青而變，蝗蟲爲災，暴風來格，秀草不實，五穀晚熟，百蟲時起，其國乃亂。

火星在夏變色白占

宋志曰：夏行秋令，則其星色白而昧，苦雨數來，五穀不榮，草木零落，果實早成，民殃于疫。

火星在夏變色黑占

宋志曰：夏行冬令，則其星色黑而芒，草木旱枯，水販

皇明世法錄 卷之七  
城廓電凍傷五穀暴兵來

火星在夏旺色赤占

宋志曰色赤則赫曦施化依其本體旺者皆爲福昌  
火星在夏赤如炬火占

開元占曰熒惑色赤如炬火小人攬捨不有亂臣則  
有大喪兵大起先起者亡後起者昌

火星在夏失度吐舌占

朱文公曰失度吐舌旱火從宮殿高臺而發

火星在夏季逆行二舍餘占

開元占曰熒惑逆行二舍半有火災一曰有女災一

曰有大水

火星留以庚辛之日占

開元占曰熒惑若以庚辛之日留者天下有大喪及  
有兵

火星在夏季若反明占

天官書曰火星當出東方其出西方曰反明主命惡  
之

火星光芒如正旗占

開元占曰熒惑芒爲正旗所指者有破軍殺將順正  
旗而伐之大勝

火星晝見自暈占

開元占曰。晝見臣謀主。自暈大臣背其主。

火星勾已還繞逆行占

朱文公曰。繞跡成勾。大凶。旱饑。兵迫。

火星當入不入占

開元占曰。當入不入。國有殃。

火星當出不出占

開元占曰。當出不出。天下有兵。民多流亡。

土星在夏季占

朱文公曰。填星主德。占爲夏季。亦陳于外。而兆于中。

居四方之中。戊巳之位。萬物因之以生。四氣據之。而列。故星之名曰填星。德厚。安危存亡之機。以其屬土之行。而動靜凶吉。占于夏季。

土星在夏季變色白占

宋志曰。夏行秋令。則填星乃變白。主兵濕水。澇禾稼不熟。乃多女災之應。

土星在夏季行春令占

宋志曰。夏行春令。則其星變色青。無芒角。五穀實鮮落。故多風。人乃遷徙。

土星在夏季行冬令占

皇明世法錄 卷十七 敬天

宋志曰。夏季行冬令。則其星變色黑。風寒不時。鷹隼早鷺。四鄙入堡。

土星在夏季旺色黃占

朱文公曰。色黃為溽蒸當位

宋志曰。皆為福慶。

土星四季失色占

朱文公曰。春不青。夏不赤。秋不白。冬不黑。並為女后有憂。

土星四季旺占

朱文公曰。春色青。夏色赤。秋色白。冬色黑。皆為女主

有喜。

土星而而潤芒占

宋志曰。潤白而芒角。有子孫立王之慶。

土星在夏季色黃大無光占

宋志曰。若土星色黃而光耀。更宮室而土功興。又曰色黃無光。女后恣。又為忿爭之事。

土星自暈占

宋志曰。自暈為土功。

土星生芒角占

宋志曰。若芒角則有爭地或旱。

土星色白素占

宋志曰。色白者有素服。天下不安。

土星色黃餌魚占

宋志曰。黃帝將起。填星餌魚。謂氣如魚形。在填星旁。

金星在秋季占

朱文公曰。太白兵候。占之素秋。帝主生成。故爲之將。觀象察法。因以爲名。

金星在秋季行春令占

宋志曰。秋行春令。則其星色青而昧。陽氣復還。五穀無實。秋雨不降。草木不榮。暖風未至。人氣懈惰。

金星在秋季行冬令占

宋志曰。秋行冬令。則其星色黑大而芒角。陰氣太甚。介蟲敗穀。戎兵乃來。風災數起。收雷先行。國多盜賊。邊境不寧。土地分裂。

金星在秋季行夏令占

宋志曰。秋行夏令。則其星色赤而怒。國多火災。寒熱不節。其國乃旱。蟄蟲不藏。五穀後生。其國大水。冬藏殃敗矣。

金星在秋季旺色占

宋志曰。秋季色旺體大色白。則其令蕭颯。如是色也。



故占之吉。

金星當入不入當出不出占

宋志曰當出不出當入不入是謂失舍爲敗軍亡地

金星經天巳午未位占

晉書曰太白經天天下革民更主。

晉灼曰日陽也日出後則星亡晝見午上爲經天。

金星初出大而後小占

宋志曰初出大而後小者兵弱而愁初出小而後大者兵弱有善。

金星失行占

荆州占曰太白出西方常在申酉之間失行而在北謂反生不有破軍必有屠城之驗。

金星行盈縮曆占

宋志曰夏至後日方南而居其南冬至後日方北而居其北曰盈候王不寧用兵進吉退凶日方南而居其北日方北而居其南曰縮候王有憂用兵退吉進凶。

金星出高深占

宋志曰出高用兵深吉淺凶出卑用兵淺吉深凶。

金星行疾行遲占

皇明世法錄 卷一  
朱文公曰行疾則速戰行遲則可留。

金星出西方占

朱文公曰出西方爲刑舉事右之背之吉。

金星出東方占

宋志曰出東方爲德左之迎之吉反之皆凶。

金星自生暈占

開元占曰自暈則天下大赦有兵則喜。

金星晝見與日爭光占

宋志曰晝見與日爭光強國弱小國強女后昌司馬

彪曰爲強臣。

金星色赤焱然占

朱文公曰焱然而上兵起滿野焱然而下流血盈溝。

金星光明見影占

宋志曰若光明見影者戰勝體小而昧者軍敗國憂。

水星在冬季旺占

宋志曰辰星乃水之精其位當子得太陰之氣而四象之終卽其義也故冬占之。

水星在冬季行春令占

宋志曰冬行春令則其星色青凍氣不密地氣上泄民多流亡蟲蝗爲敗水泉咸竭人多疥癩胎妖多。

傷國多痼。

水星在冬季行夏令占

宋志曰冬行夏令則其星色赤而昧國多暴風方冬不寒蟄蟲復出其國乃旱氛氣冥冥雷乃于聲水澇為敗時雪不降凍水有釋。

水星在冬季行秋令占

宋志曰冬行秋令則其星色白大而不明雪霜不時小兵時起地土侵削冰雪雜下瓜瓠不成國有大兵白露早降介蟲為妖四鄙入堡。

水星在冬季旺占

宋志曰水星于冬旺黑色如是色也主吉有軍於野辰星為偏將之象無軍於野辰星為法形之象。

水星不以時而出占

宋志曰若刑政失簡宗廟廢祀不以時而出當寒反溫當溫反寒。

水星當入不入占

宋志曰當入不入為失法律。

水星當出不出占

朱文公曰當出不出兵大起而豪傑興。

水星與金星各在一方占

皇明世法錄 卷之十七  
宋志曰辰星出東方太白出西方辰星出西方太白出東方爲格對或出與太白不相從野雖有軍不戰。

水星來抵金星占

宋志曰辰星來抵太白太白不出將歿正旗上出鼓軍殺將客勝不出客敗視所指以命破軍。

金星環繞水星占

朱文公曰若環繞若免過函劍若摩太白之右爲客勝爲主人吏歿于數萬人之事。

水星出東方色赤占

朱文公曰在東而赤者中國勝在西而赤者外國亨無軍于野而赤兵將起而欲征。

水星經天晝見占

宋志曰晝見則其國必亡大亂若經天則大凶天下易主。

皇明世法錄卷之十七

終

皇明世宗金 卷十一

--	--	--	--	--	--	--	--	--

皇明世宗金 卷十一

